

Ҳилол нашрда устоз Абдулҳамид домла Муҳаммад Турсуннинг китоблари тақдимоти ўтказилди



22:00 / 03.03.2022 1968

2022 йил 3 март куни «Китобхонлик мактаби» лойиҳасининг навбатдаги сони ўтказилди. Ушбу сонда аввал хабар берганимиздек, Ислом олими, устоз Абдулҳамид Муҳаммад Турсуннинг қаламларига мансуб уч китоблари «Биз иймон келтирган Исломнинг тартиб ва кўринишлари», «Шажаратул маориф», ҳамда «Тасаввуф ва унинг ҳақиқати ҳақида муқаддима», китобларининг таништирув тақдимоти бўлиб ўтди. Лойиҳанинг навбатдаги меҳмонлари тақдимотнинг асосий сабабчиси ҳисобланган устоз Абдулҳамид домла Муҳаммад Турсун, «Ҳазрати Али» жомеъ масжиди имом-хатиби, устоз Салоҳиддин домла Шарипов, моҳир таржимон ҳамда ислом ва тасаввуф таълимотини ўрганган олим Мирзо Кенжабек домла, «Ҳилол-нашр» нашриёти раҳбари, «Шайх Муҳаммад Содик Муҳаммад Юсуф» жомеъ масжиди имом-хатиби Исмоил домла Муҳаммад Содик ҳамда илм аҳллари ва тингловчилар иштирок этдилар. Шунингдек, опа-

сингилларимиз ҳам тақдимотга ташриф буюриб, илм чашмаларидан баҳраманд бўлдилар.

Тақдимотни islom.uz портали ходими Қамариддин Бекмуҳаммад олиб борди.

Дастлаб тақдимот маросимини И smoil домла Муҳаммад Содик очиб бердилар ва мезбон сифатида барча ташриф буюрган устозларга, китобсевар муҳлисларга миннатдочилик билдириб ўтдилар.

Сўнгра устоз Салоҳиддин домла Шарипов олим Абдулҳамид домла Муҳаммад Турсуннинг таржима қилган китoblari «Биз иймон келтирган Исломнинг тартиб ва кўринишлари» ҳақида суҳбат қилиб бердилар. Ушбу рисоланинг муаллифи доктор Юсуф Каразовий бўлиб, ушбу китобни арабчадан Абдулҳамид Муҳаммад Турсун домла таржима қилганлар. «Мухтасар рисола бугунги кундаги мусулмон кишига Исломни англаш йўлини ёритиб беради ва унинг Ислом ҳақидаги тасаввурини соғломлаштиради, Исломнинг юзидан зулмат пардасини олиб ташлайди, уни яхши фаҳмлаш учун зарурий қоида ва маълумотларни тақдим этади», дея таъриф билан бошладилар устоз Салоҳиддин домла. — Ҳақ дин — ҳақ маданиятнинг асосидир. Аммо «динсиз маданиятли бўлиш» фикри «маданиятсиз диндор бўлиш» фикри каби бутунлай рад этилган. Рисолада «Биз қандай исломга чорлаймиз?», «Исломнинг мақсадлари равшандир», «Ислом яхлитdir, у бўлакларга бўлинмайди», «Муносабатлар ва амаллар ўртасидаги мувозанатни сақлаш» каби долзарб мавзуларда мусулмонлар учун муҳим маълумотлар ўрин олган.

Кейин гўзал нашида ижро этилди.

Сўнгра устоз, олим Мирзо Кенжабек домла «Тасаввуф ва унинг ҳақиқати ҳақида муқаддима» китобини таништириб ўтдилар. Ушбу китоб нафс ва қалб тарбиячиларидан бири, «Табақот Сўфийя» китобининг муаллифи, имом Абу Абдурраҳмон ибн Ҳусайн Азди Суламий қаламига мансуб бўлиб, ушбу китоб исломий соф тасаввуф ҳақида маълумот беради. Китоб кенг ўқувчилар оммасига, шунингдек, тасаввуф мактаби тингловчилари ва тадқиқотларига фойдали манба бўлади. Китобни Абдулҳамид Муҳаммад Турсун домла таржима қилганлар. «Бу китобда пок фазилатларни ўзида жам қилган исломий тасаввуф мавзулари ёритилган» дея таништириб ўтдилар Мирзо Кенжабек домла. Шунингдек, устоз Қуръон оятларидан, уламоларнинг тасаввуфга оид маълумотларидан ҳам гапириб ўтдилар.

Сўнгра «Ҳилол-нашр» нашриётининг интернет бўйича мутахассиси Бунёдбек Пўлатов юқоридаги китобларнинг электрон нашрини ўқувчилар чегирма билан харид қилишлари ҳақида маълумотлар бериб ўтди.

Кейин бугунги китоблар тақдимотининг муаллифи, таржимон, Ислом олими, устоз Абдулҳамид Муҳаммад Турсун домла сўзга чиқиб, ўzlари таржима қилган асар имом, шайх Изз ибн Абдуссалом Суламий қаламига мансуб «Шажаратул маориф», «Маърифатлар шажараси» номли китоб ҳақида маълумотлар бериб ўтдилар. Ушбу китоб ғарбу шарқдаги илм аҳли ва фозиллар томонидан юқори баҳо берилган қомусий асарлардан бири ҳисобланади. Уламолар султони, аллома Изз ибн Абдуссалом Суламийнинг таржимаи ҳоллари ҳақида Ибн Субкий, Иславий, Ибн Касир, Бадруддин Ҳалабий, Ибн Мулаққин, имом Суютий, Абдуллоҳ Шарқовий ва бошқалар ўзларининг сийрат ва уламолар тарихига бағишиланган китобларида зикр қилишган. Жумладан, Ибн Субкий ўзининнинг «Табақот Шофиъийя» китобида аллома Изз ибн Абдуссаломнинг мазкур китоби ҳақида шундай ёзади: «Шажаратул маориф» китоби жуда яхшидир».

Китоб Қуръони Карим ва Суннати шарифа маъноларини тўғри тушуниш ва фаҳмлашда катта ёрдам беради. Хусусан, ўқувчилар китобдан Ислом динининг таълимотлари ҳақида зарур ва қизиқарли маълумотларни олишлари, шунингдек, имом-хатиблар, воиз ва манбашунослар ҳам истифода қилишлари мумкин.

Устоз Абдулҳамид домла китобнинг 202-фаслидан Аллоҳ толонинг мулоқоти зикри ҳақида гапириб ўтдилар.

Жумладан, китобда Аллоҳ таолонинг каломи:

«Аллоҳдан қўрқингиз ва билингизки, сиз у билан мулоқот қилувчиidирсиз» (Бақара сураси, 223-оят) ҳамда

«Аллоҳдан қўрқингиз ва билингизки, сизлар, албатта (қиёматда) Унинг ҳузурига йиғилурсиз» (Бақара сураси, 203-оят) оятини китобдан иқтибос келтириб, гўзал ҳолатда ифодалаб бердилар. Устоз нутқлари якунида бугунги тақдимотга ташриф буюрган барча илм аҳлларига ташаккур билдирилар.

Тақдимот сўнгига Қуръон тиловати ўқилиб, устозлар томонидан дуолар қилинди.

«Китобхонлик мактаби» лойиҳаси [islom.uz](#) порталининг ижтимоий саҳифаларида онлайн тақдим этилди.

Хуршид Маъруф